



# ԱՇԽԱՏՈՒԹՅՈՒՆՆԵՐ

ՀԱՅԱՍՏԱՆԻ  
ՊԱՏՄՈՒԹՅԱՆ  
ԹԱՆԳԱՐԱՆԻ

**2(10)**

ՀԱՅԱՍՏԱՆԻ ՊԱՏՄՈՒԹՅԱՆ ԹԱՆԳԱՐԱՆ

ԱՇԽԱՏՈՒԹՅՈՒՆՆԵՐ  
ՀԱՅԱՍՏԱՆԻ ՊԱՏՄՈՒԹՅԱՆ ԹԱՆԳԱՐԱՆԻ  
№ 2(10)

ԵՐԵՎԱՆ 2022

*Տպագրվում է Հայաստանի պատմության թանգարանի  
գիտական խորհրդի որոշմամբ*

Հրատարակվում է 1948 թվականից

*Խմբագրական խորհուրդ՝*

*Նժդեհ Երանյան, պ. գ. թ. – նախագահ*

*Հայկ Նազարյան, պ. գ. թ. – պատրաստանապես քարտուղար*

*Պավել Ավետիսյան, պ. գ. դ., ՀՀ ԳԱԱ թղթակից անդամ*

*Հարություն Մարության, պ. գ. դ.*

*Համլետ Պետրոսյան, պ. գ. դ., պրոֆեսոր*

*Հռիփսիմե Պիկիջյան, պ. գ. թ., դոցենտ*

*Ռուբեն Վարդանյան, պ. գ. թ.*

*Մխիթար Գաբրիելյան, պ. գ. թ., դոցենտ*

*Արսեն Բոբոխյան, պ. գ. թ.*

*Տորք Դալայյան, ք. գ. թ.*

*Համո Սուքիասյան, պ. գ. թ., դոցենտ*

*Արա Սանճեան, PhD (ԱՄՆ)*

*Ռոբերտո Դան, PhD (Իտալիա)*

*Հրաչ Զիլինկիրեան, PhD (Մեծ Բրիտանիա)*

## ԲՈՎԱՆԴԱԿՈՒԹՅՈՒՆ

### ՅՆԱԳԻՏՈՒԹՅՈՒՆ

#### *Արման Նայրանդյան*

ՇԻՎԱՀՈՂԻ Ս. ՍՏԵՓԱՆՈՍ ՆԱԽԱՎԿԱ ԵԿԵՂԵՑՈՒ  
ՊԵՂՈՒՄՆԵՐԻ ԱՐԴՅՈՒՆՔՆԵՐԸ 8

#### *Կարեն Թոխարյան*

ՄԵԾ ՀԱՅՔԻ ԱՐՑԱԽ ԵՎ ՍՅՈՒՆԻՔ ԱՇԽԱՐՀՆԵՐԻ  
ԺԱՅՈՒՊԱՏԿԵՐՆԵՐԸ 18

#### *Նժդեհ Երանյան, Համլիար Պեղրոսյան*

ՏՈՂԻ ՍՐ. ՀՈՎՀԱՆՆԵՍ ԵԿԵՂԵՑՈՒ ՀՆԱԳԻՏԱԿԱՆ  
ՀԵՏԱԶՈՏՈՒԹՅԱՆ ՀԻՄՆԱԿԱՆ ԱՐԴՅՈՒՆՔՆԵՐԸ 31

#### *Варданесова Татьяна*

КОЛЛЕКЦИЯ СРЕДНЕВЕКОВОГО СТЕКЛА  
ИЗ РАСКОПОК Г. ТИГРАНАКЕРТ В АРЦАХЕ 41

### ՊԱՏՄՈՒԹՅՈՒՆ ԵՎ ԱՐՔՈՒՐԱԳԻՏՈՒԹՅՈՒՆ

#### *Գոռ Ղազարյան*

ԳԱՐԵԳԻՆ ՆԺԴԵՀԸ ԵՎ ԱՐՑԱԽԻ ԳՈՅԱՊԱՅՔԱՐԸ 1920 – 1921 ԹԹ. 46

#### *Մայա Գրիգորյան*

ՀԱՅ ՏՊԱԳՐՈՒԹՅԱՆ ԶԱՐԳԱՅՄԱՆ ԸՆԹԱՅՔԸ ՍՅՈՒՆԻՔՈՒՄ  
20-ՐԴ ԴԱՐԻ ԱՌԱՋԻՆ ԿԵՍԻՆ 58

#### *Միրանուշ Առաքելյան*

ԱՐՑԱԽԻ ԵՎ ՍՅՈՒՆԻՔԻ ԱՎԱՆԴԱԶՐՈՒՅՑՆԵՐԸ  
«СБОРНИК МАТЕРИАЛОВ ДЛЯ ОПИСАНИЯ МЕСТНОСТЕЙ И ПЛЕМЕН  
КАВКАЗА» (СМОМПК 1881-1915) ՌՈՒՍԱԼԵԶՈՒ ՄԱՏԵՆԱՇԱՐԻ ԷԶԵՐՈՒՄ 68

#### *Վանիկ Վիրաբյան*

ԼԵՆՆԱՅԻՆ ՂԱՐԱԲԱՂԻ ՀԻՄՆԱԽՆԴԻՐԸ ԹԻՖԼԻՍՈՒՄ 1920 Թ.  
ՄՊՐԻԼԻՆ ԿԱՅԱՑԱԾ ՎԵՀԱԺՈՂՈՎՈՒՄ ԵՎ ԱՆԴՐԿՈՎԿԱՍՈՒՄ  
ԳՈՐԾՈՂ ԵՎՐՈՊԱԿԱՆ ՊԵՏՈՒԹՅՈՒՆՆԵՐԻ ՌԱԶՄԱՔԱՂԱՔԱԿԱՆ  
ՆԵՐԿԱՅԱՅՈՒՑՉՈՒԹՅՈՒՆՆԵՐԻ ԴԻՐՔՈՐՈՇՈՒՄԸ 77

#### *Մհեր Քումանյս*

ՂՈՒԿԱՍ ՍԵՔԱՍՏԱՑՈՒ «ԴԱՎԻԹ ԲԵԿ ԿԱՄ ՊԱՏՄՈՒԹՅՈՒՆ  
ՂԱՓԱՆՅՈՑ»-Ի ՏԵՂԱՆՎԱՆԱԿԱՆ ՀԱՄԱԿԱՐԳԸ 93

## **ԴՐԱՄԱԳԻՏՈՒԹՅՈՒՆ**

### ***Վեռա Բոյան***

ՍՅՈՒՆԻՔԸ ՈՐՊԵՍ ԱՌԵՎՏՐԱԿԱՆ ԵՎ ՄՇԱԿՈՒԹԱՅԻՆ ԽԱՉՄԵՐՈՒԿ  
(ԸՍՏ ԴՐԱՄԱԿԱՆ ԳԱՆՁԵՐԻ)

108

## **ԱԶԳԱԳՐՈՒԹՅՈՒՆ ԵՎ ՊԱՏԿԵՐԱԳՐՈՒԹՅՈՒՆ**

### ***Լիլիա Ավանեսյան***

ՇՈՒՇԻԻ ՀԱՅԿԱԿԱՆ ԺՈՂՈՎՐԴԱԿԱՆ ՏԱՐԱՋԻ ՆՄՈՒՇՆԵՐ  
(19-ԲԴ-20-ԲԴ ԴԱՐԻ ՄԿԻՋԲ)

118

### ***Կարինե Բաղդյան***

ԱՐՑԱԽԻ ԱՍԵՂՆԱԳՈՐԾԱԿԱՆ ԴՊՐՈՑԻ ՇՈՒՐՁ

129

## **ՄՇԱԿՈՒԹԱՅԻՆ ՄԱՐԴԱԲԱՆՈՒԹՅՈՒՆ**

### ***Անուշ Մաֆարյան***

ԱՐՑԱԽԻ ԺԱՄԱՆԱԿԱԿԻՑ ԽԱՉՔԱՐԱՅԻՆ ՄՇԱԿՈՒՅԹԸ

138

### ***Նարինե Շամսանյան***

ՌԱԶՄԱՊԱՐԵՐՆ ԱՐՑԱԽՅԱՆ ՀԵՐՈՍԱՄԱՐՏՈՒՄ  
(ՊԱՏՄԱՋԳԱԳՐԱԿԱՆ ՈՒՍՈՒՄՆԱՍԻՐՈՒԹՅԱՆ ՓՈՐՁ)

145

### ***Արմինե Շահբազյան***

ԴԱՎԻԹ ԲԵԿԻ ԳԼԽԱՎՈՐԱԾ ՍՅՈՒՆԻՔԻ ԱԶԱՏԱԳՐԱԿԱՆ  
ՊԱՅՔԱՐԻ ՆԵՐԿԱՅԱՑՈՒՄԸ ՀԱՅ ԿԻՆՈԱՐՎԵՍՏՈՒՄ

155

## **ՀԱՎԱՔԱԾՈՒՆԵՐ ԵՎ ԹԱՆԳԱՐԱՆՆԵՐ**

### ***Սևդա Գալստյան***

ՀԱՅԱՍՏԱՆԻ ՊԱՏՄՈՒԹՅԱՆ ԹԱՆԳԱՐԱՆՈՒՄ ՊԱՀՎՈՂ  
ԳԱՐԵԳԻՆ ՆԺԴԵՀԻ ՀԱՎԱՔԱԾՈՒՆ

168

### ***Համլեդր Պևրոբոյան***

ԱՐՑԱԽԻ ՏԻԳՐԱՆԱԿԵՐՏԻ  
ՀՆԱԳԻՏԱԿԱՆ ԹԱՆԳԱՐԱՆԻ ՈՂԻՄԱԿԱՆԸ

183

ՇՈՒՇԻ ՔԱՂԱՔԻ ԹԱՆԳԱՐԱՆՆԵՐԸ

189

Գոր Ղազարյան  
Երևանի պետական համալսարան  
gor.ghazaryan1998@gmail.com

## ԳԱՐԵԳԻՆ ՆԺՂԵՅԸ ԵՎ ԱՐՑԱԽԻ ԳՈՅԱՊԱՅՔԱՐԸ 1920 – 1921 ԹԹ.\*

**Հիմնաբառեր.** Արցախ, Սյունիք, Գարեգին Նժդեհ, Դրո, գոյապայքար, Արցախյան ազատամարտ, Զանգեզուր:

*Երբեք առանց Սյունիքի և Արցախի,  
առանց Հայաստանի աշխարհագրական այդ ուժեղ ողնաշարի,  
մեր ամբողջական Հայրենիքը գոյություն ունենալ չի կարող:  
Գարեգին Նժդեհ*

1918 թ. մայիսի 26-ին Անդրկովկասյան սեյմի փլուզման հետևանքով առաջին անգամ պատմության ասպարեզ մուտք գործեց «Ադրբեջան» կոչվող արհեստաձին պետությունը, որը հենց սկզբից սկսեց հավակնել պատմական Հայաստանի բաղկացուցիչ մաս հանդիսացող հայկական երկրամասերին՝ Արցախին, Սյունիքին, Նախիջևանին: 1918–1921 թթ. մուսավաթական, ապա Խորհրդային Ադրբեջանի ղեկավարությունները փորձում էին ամեն գնով իրականացնել իրենց զավթողական ծրագրերը:

1920 թ. գարնանից մինչև 1921 թ. ամառը Գ. Նժդեհը հնարավորության դեպքում սատարել է Արցախի ազատագրական պայքարին՝ փորձելով երկրամասը Սյունիքի օրինակով միացնել Հայաստանի Հանրապետությանը: Որոշ դեպքերում նա անձամբ է իր զինվորներով անցել Արցախ և վարել ռազմական գործողություններ: Իր աշխատություններում՝ «Ազատ Սյունիք», «Ինչու պայքարեց Լեռնահայաստանը», «Լեռնահայաստանի գոյամարտը», «Էջեր Լեռնահայաստանի գոյամարտից», «Իմ պատասխանը» և այլն, Գ. Նժդեհը բազմիցս անդրադարձել է Արցախում տեղի ունեցող ռազմաքաղաքական անցքերին: Նրա հաղորդած տեղեկություններն արժանահավատ և կարևոր աղբյուր են Արցախի պատմության նշված ժամանակահատվածի ուսումնասիրման համար:

Սույն հոդվածում ի մի է բերվել Գարեգին Նժդեհի աշխատություններում տեղ գտած պատմագիտական արժեք ունեցող այն վկայությունները, որոնք վերաբերում են 1920–1921 թթ. Արցախում ծավալվող ռազմաքաղաքական իրադարձություններին: Պատմահամեմատական մեթոդով ցույց է տրվել դրանց առընչությունները համաժամանակյա պատմական այլ աղբյուրների հետ: Վերլուծությունների արդյունքում փորձ է արվել ուրվագծել Գ. Նժդեհի աշխատությունների կարևորությունն Արցախի պատմության վերոնշյալ ժամանակահատվածի ուսումնասիր-

\* Ստացվել է 19. 08. 2022 թ., ուղարկվել է գրախոսման 02. 09. 2022 թ., ընդունվել է տպագրության 18. 11. 2022 թ.:

ման համար, ինչպես նաև ներկայացնել Գարեգին Նժդեհի կարևոր դերակատարումն Արցախահայության գոյապահպանման գործում:

1919 թ. օգոստոսին Գ. Նժդեհը ՀՀ կառավարության կողմից նշանակվում է Կապանի, Արևիքի և Գողթանի (Կապարգողթ) գորքերի ընդհանուր հրամանատար և անցնում Սյունիք՝ Էդիֆ բեյի գորքերի կողմից պաշարված Գողթանին օգնություն հասցնելու համար: 1919–1921 թթ. Գ. Նժդեհը Սյունիքում ղեկավարում է Զանգեզուրի գոյամարտը:

1920 թ. մարտին Նժդեհը իր զինվորներով անցնում է Կապուտջուղի լեռնանցքը և հասնում Գողթան: Գողթանի բոլոր թուրքական գյուղերը անցնում են հայոց ձեռքը, բացի Արաքսի ափին ընկած Եաջին և Դաստակ թաթարական գյուղերից: Գ. Նժդեհը պաշարում է Օրդուբադ քաղաքը, պատրաստվելով գրավել այն, երբ Ղափանից սուրհանդակ է հասնում՝ տեղեկացնելով, որ թշնամին գրոհել է հայկական դիրքերը և գրավել Զեյվա (Դավիթ-Բեկ) գյուղը: Գ. Նժդեհը ստիպված թողնում է Օրդուբադը և վերադառնալուսն այն անցնում հակազրոհի: Նուրի փաշայի և Պրենս Ղազարի գորքերը սարսափահար նահանջում են դեպի Արցախի Փակավան (Խոջահան) գյուղը և Դոնդուրլու (Դոնդարլի)՝:

Հաղթական հայ հրամանատարությունը վճռում է մեջտեղից վերացնել Զանգեզուրի և Ղարաբաղի միջև գտնվող թաթարական սեպը՝ մոտ 100 գյուղ, և դրանով կենդանի կապ ստեղծել հայկական երկու երկրամասերի միջև (Գեորգեան 1991, 53): Ապրիլի 2-ի լուսաբացին հայկական վաշտերը շարունակում են իրենց հանդուգն գրոհը: Թշնամին խոշոր կորուստներով տեղի է տալիս: Հայկական կողմի ձեռքն է անցնում ադրբեջանական սպայակույտի (շտաբի) արխիվը, որից պարզ է դառնում, որ ադրբեջանական զորամասի մեջ գտնվում են թուրք սպաներ (Նժդեհ 2002ա, 64: Գեորգեան 1991, 53): Գ. Նժդեհի հաղորդած այս տեղեկությունից կարող ենք եզրակացնել, որ տարածաշրջանի հայկական բնակավայրերի դեմ թաթարական զինված ագրեսիան իրականացվում էր ոչ միայն Թուրքիայի բարոյական աջակցությամբ, այլև նրա գործուն մասնակցությամբ:

Կովի երրորդ օրը կատաղի հարձակումով հայերը գրավում են Որոտանի ձախ ափին փոված 100 թաթարական գյուղերը: «Ապրիլի 2-ի լուսաբացին մեր վաշտերը, Զանգեզուրը Ղարաբաղին միացնելու մի սոր նշանաբանով, շարունակում են իրենց գրոհները: Այդ օրը ռազմագիտական մի լուրջ խաղով հաջողվում է թևանցի ենթարկել հոչակավոր Դոնդարլուն, որի բարձունքներում, գերեզմանատանը և այգիներում ամրացած թշնամու ուժերը տեղի են տալիս, մեծ կորուստով: Կովի երրորդ օրը հաղթություններով արբեցած մեր վաշտերը մի վերջին խուլական գրոհով թշնամուց մաքրում են Որոտանի ձախ ափին գտնվող բոլոր գյուղերը՝ ամրացնելով իրենց դրոշակը գետափին բարձրացող լեռան կատարին», – գրում է Գ. Նժդեհը (Նժդեհ 2002ա, 64):

Այս գործողություններից հետո կովի ծանրությունը տեղափոխվում է Շիկահողի շրջան, որտեղ Ասկյուլումի թաթարները, օգնություն ստանալով Զանգեղանի (Կովսական) շրջանից, կտրում էին Ղարաբաղն ու Զանգեզուրը: Որոտանի ազա-

1 Թաթարական այս բնակավայրը գտնվել է Արցախի Հանրապետության Քաշաթաղի շրջանի Սահառ գյուղից 1,7 կմ արևմուտք: Այսօր էլ նշմարելի են դրա ավերակները:

տագրված հատվածում թողնելով պահակային փոքր խմբեր՝ Նժդեհը հիմնական ուժերը տեղափոխում է այստեղ: Ապրիլի 6-ին հայկական ուժերը անցնում են հարձակման: Թշնամին, գրեթե պաշարված, դիմում է անկարգ փախուստի՝ թողնելով Ասկյուլումի բարձունքները: Հաջորդ օրը երեկոյան հայկական վաշտերը, գրավելով Ասկյուլումի աջ ու ձախ թևերի վրա ընկած թուրքական գյուղերը, կրակի են տալիս Խոջահանի հարուստ շուկան՝ «կատարյալ հաջողությամբ պսակելով կռիվները այդ ճակատի վրա» (Նժդեհ 2002ա, 66: Գեորգեան 1991, 54):

Զանգեզուրի հարավ-արևելքն ամրացնելու և գրաված տարածքները մինչև Արաքսի հովիտ ամբողջացնելու նպատակով Գ. Նժդեհը ձեռնամուխ է լինում Չավդուրի<sup>2</sup> գործողությանը: Առաջին հարվածը տրվում է այս շրջանի ամենաանհնազանդ Սոբու գյուղին<sup>3</sup>: Թշնամին բարոյալքված նահանջում է դեպի հարավ-արևելք: Գ. Նժդեհի զորքերը ապրիլի 13-ին գրավեցին Շուքրուդարասի բարձունքը, ապա Բարթազը (Չավդուր), որտեղ Ջաբրաիլից (Ջրական) և Ղարադաղից թշնամին օգնական նոր ուժեր էր ստացել՝ փորձելով կանխել հայկական զորքերի առաջխաղացումը (Նժդեհ 2002ա, 67: Գեորգեան 1991, 54: Սիմոնյան 2017, 442–443): Որոտանի, Ասկյուլումի և Չավդուրի կռիվներով Գ. Նժդեհը մաքրում է Ղարաբաղի և Զանգեզուրի միջև ընկած թուրքական սեպը՝ կապ ստեղծելով հայկական երկու երկրամասերի միջև:

Այդ օրերին Մեծ Բրիտանիան վարում էր տարածաշրջանի մահմեդականների համար նպաստավոր քաղաքականություն: Մեծ Բրիտանիան համարում էր Զանգեզուրը և Ղարաբաղը Ադրբեջանի Հանրապետության անբաժան մաս (Գեորգեան 1991, 57):

Զանգեզուրը Գ. Նժդեհի և հայոց պատմական այդ սրբազան լեռնաշխարհի համար մարտնչող բազում քաջորդիների շնորհիվ խորտակել էր դեպի իր սահմաններն արշավող ադրբեջանական բանակները, սակայն Ղարաբաղում պատմաքաղաքական իրադարձություններն այլ կերպ ընթացան: Ադրբեջանական կառավարությունը Զանգեզուրում իր զորքերի կրած ծանր պարտությունների գլխավոր պատճառներից մեկը համարում էր Լեռնային Ղարաբաղը (Հարությունյան 1996, 201): Ուստի մուսավաթականներն ամենք կերպ ջանում էին նվաճել Արցախը, ապա, թեկունքն ապահովելով, պատերազմել Զանգեզուրի դեմ: Ադրբեջանական հայաջինջ և ռազմատենչ քաղաքականությունն այլևս անհանդուրժելի էր դարձել արցախահայության համար:

1920 թ. մարտի 22-ին Ղարաբաղում սկիզբ է առնում ապստամբական շարժում (Իշխանեան 1999, 575): Նույն օրը երեկոյան ադրբեջանական ուժերն անցնում են հարձակման (Բալայան 2002, 302): Դժբախտաբար Ղարաբաղում չկային կանոնավոր զիվորական կազմակերպություններ և բավականաչափ ռազմա-

2 Չավդուրի (Բարթազ, Բարթութաղ) ավերակներն գտնվում են Արցախի Հանրապետության Քաշաթաղի շրջանում՝ Կովսական քաղաքից 14 կմ հարավ՝ Արաքս գետի ձախ ափին:

3 Գյուղ՝ Կապան քաղաքից 26 կմ հարավ-արևելք, անտառապատ վայրում: Ըստ ոմանց՝ համապատասխանում է Սյունիք աշխարհի Կովսական գավառի Ծորի գյուղին (Հակոբյան, Մելիք-Բախշյան, Բարսեղյան, 1998, 647):



մթերք (Գեորգեան 1991, 57): Ապրիլի 3-ին աղբբեջանական ուժերը գրավեցին Ասկերանի բերդը: Ասկերանի պաշտպանությունը ղեկավարում էր Դավի Ղազարը<sup>4</sup>: Քաջակորով ռազմիկը, տեսնելով, որ կովի բախտը շրջվում է, հեռացնում է հայ զինվորներին դիրքերից, միայնակ առաջանում դեպի թշնամին, սպառում ատրճանակի բոլոր փամփուշտները, վերջինով ինքնասպան լինում (Միքայելեան 1923, 119–120): Կրակի տալով 2 տասնյակ հայ զյուղեր՝ ապրիլի 6-ին աղբբեջանական զորքերը արշավով մտան Շուշի: Ղարաբաղի վարչական և մշակութային կենտրոնի հրդեհումը և ավերումը անդառնալի կորուստ էին տարածաշրջանի ողջ հայության և ընդհանրապես հայ մշակույթի համար: Ծանր էր Արցախահայության հոգեբանական վիճակը, ում միակ հույսը շարունակում էր մնալ Ջանգեզուրը, որը, չնայած իր ծանր դրությանը և սուղ միջոցներին, ջանում էր ամեն կերպ զորակցել Արցախի գոյապայքարին:

Ապրիլի 8-ին Ղարաբաղը օգնություն է խնդրում Ջանգեզուրից:

Ջանգեզուրի ռազմական ուժերի հրամանատար գեներալ Ղազարովին (պատճենը Գ. Նժդեհին) ուղղված հեռագրում կարդում ենք.

«Այժմ, երբ Ղարաբաղը բարձրացրել է ապստամբության սրբազան դրոշը և արնաքամ է լինում, պետք օգնել նրան ոչ թե զորամասերով ու դրամական միջոցներով, այլ մի փորձառու առաջնորդով և ռազմամթերքով: Այդպիսի առաջնորդ այժմ Փոխ-Գնդապետ Նժդեհն է, որի անունը թշնամիների համար դատել է վրեժխնդրության խորհրդանշան, և որի անունից թշնամին սարսափահար փախչում է, ինչպես ցույց տվեցին մոտիկ անցյալի դեպքերը. երբ թշնամու կանոնավոր զորքերը լսեցին Նժդեհի Գողթանից վերադառնալու մասին, խուճապահար փախուստի դիմեցին: ... Նժդեհը ստեղծված է ժողովրդի համար և նա պիտի լինի այնտեղ, ուր նրա կարիքն ավելի է զգացվում:

Մի խումբ Ղարաբաղցիների ներկայացուցիչներ  
Փոխ-Տեղակալ (պողպորուչիկ–Գ. Ղ.)՝ Հովսեփյան  
Զինվորական աստիճանավոր՝ Ռուբեն»

(Գեորգեան 1991, 57–58: Միմոնյան 2017, 448: Բալայան 2021, 39):

Արցախահայության այս նամակից պարզ է դառնում, որ Ղարաբաղը կարիք ուներ Գ. Նժդեհի նման փորձառու և պրոֆեսիոնալ ռազմական ու պետական գործչի, ով միաժամանակ կվայելեր լայն ժողովրդականություն և կղեկավարեր արցախահայության գոյապայքարը: Ջանգեզուրը անտարբեր մնալ չէր կարող: Միննույն ժամանակ, աղբբեջանական հրոսակախմբերի արյունալի ոճրագործությունները կանխելու համար, Հայաստանի կառավարությունը վերջապես կարողացավ ռազմական օգնություն հասցնել Ղարաբաղին: Գորիս-Ավդալար-Շուշի գծով Ղարաբաղ մեկնեց Դրաստամատ Կանայանի (Դրո) հրամանատարությամբ ձևավորված Ջանգեզուր-ղարաբաղյան ռազմարշավային (էքսպեդիցիոն) զորաջոկատը (Միմոնյան 2017, 461):

Գալով Շուշի՝ Դրոն հետևյալ կոչն ուղղեց Ղարաբաղի հայ ազգաբնակչությանը.

4 Դավի Ղազար (Բաղալբլոխյան Միքայել), 1886–1920թթ., հայոց ազգային ազատագրական շարժման գործիչ, ֆիդայի:

«Դու պիտի ըմբռնես, Ղարաբաղի հայ ժողովուրդ, որ Ադրբեջանի ծրագիրն է վերացնել հայ ազգաբնակչությունը, շարունակել իրականացնել թուրքական փաշաների որոշումը, տիրել Ղարաբաղին, ոտքի տակ տալ Զանգեզուրը և ոչնչացնել Հայաստանի Հանրապետությունն ու այդպիսով վերացնել մահմեդական աշխարհի մեջ ընկած այդ քաղաքակրթված ժողովուրդը: ... Միշտ դիրքերի մեջ ու պատրաստ՝ թշնամուն ետ շարտելու և մեր ազատությունը ձեռք բերելու:

Զանգեզուր-Ղարաբաղի հրամանատար Դրո,  
26-ին ապրիլի 1920 թ.»

(Միմոնյան 2017, 461, Գևորգյան 2014, 589–590):

Կարճ ժամանակ անց գրեթե ողջ Վարանդան՝ մինչև Ղարաբուլաղ գյուղը, անցավ Դրոյի ուժերի հսկողության տակ, իսկ Սարուշեն գյուղում հաստատվեց նրա շտաբը (Միմոնյան 2017, 461–462):

1920 թ. ապրիլի 22-ին Գորիսում տեղի ունեցավ հաղթական զորահանդես, որի ժամանակ Զանգեզուրի ժողովուրդն ինքը պահանջեց օգնության հասնել Ղարաբաղին (Գեորգեան 1991, 58–59): Նժդեհը ապրիլի 23-ին իր ամենաընտիր վաշտերով անցավ Ղարաբաղ և ստանձնեց Դիզակի<sup>5</sup> պաշտպանությունը՝ դրանով չեզոքացնելով Դրոյի զորքի աջ թևին սպառնացող վտանգը (Գեորգեան 1991, 58–59, Համբարձումեան 2003, 17): «Հարավդարաբաղյան» անվանումը ստացած զորաջոկատը Գ. Նժդեհի գլխավորությամբ անցավ Վարանդա և ուղղություն վերցրեց դեպի Շուշի: Այդ ընթացքում ճանապարհի երկու կողմերի գյուղերի թուրք և քուրդ բնակիչները, թողնելով տները, հեռացան տարբեր ուղղություններով, գլխավորապես՝ Պարսկաստան (Միմոնյան 2017, 463):

Զանգեզուրցիների մուտքը Ղարաբաղ Դրոն դիմավորում է հետևյալ բառերով.

«Շնորհավորում եմ քաջարի զանգեզուրցիների մուտքը Ղարաբաղ, որ ցանկալի բոլորին նրանք օգնության հասան հարազատ Ղարաբաղին: Յուրաքանչյուր զանգեզուրցի թող հիշի, որ կովելով պատմական Ղարաբաղի լեռներում, դրանով նա կովում է ամբողջ Հայաստանի և մասնավորապես Զանգեզուրի ազատության և խաղաղության համար: Վստահ եմ, սպաներ և զինվորներ, առաջնորդությամբ ձեր արժանավոր հրամանատար փոխ-գնդապետ Նժդեհի, քաջարի տեղացիների հետ, որ ահա ամբողջ մի ամիս է կովում են, ոչ միայն կթեթևացնեք Ղարաբաղի հայերի վիճակը, այլ և ձեր կորովի ասպետական գործողություններով կհանդիսանաք Ղարաբաղի հայ ժողովրդի բախտավորության և ազատ գոյության ապագայի գրավականը:

Դրո, 1920, ապրիլի 26»

(Գեորգեան 1991, 59):

5 Դիզակ (Հաղրութ)–Այս շրջանի տարածքը համընկնում է պատմական Արցախի Դիզակի մելիքության տարածքին և աչքի է ընկնում հայկական պատմաճարտարապետական մեծ հետաքրքրություն ներկայացնող բազմաթիվ հուշարձաններով:

1920 թ. ապրիլի վերջին կտրուկ փոխվում է ռազմաքաղաքական իրադարձությունների ընթացքը տարածաշրջանում: Ապրիլի 28-ին Ադրբեջանը խորհրդայնացվում է: Օգտագործելով քաղաքական իրադրությունը՝, Ադրբեջանը ձեռնամուխ եղավ բուլշևիկների օգնությամբ իրագործել իր վաղեմի երազանքը՝ տիրանալ հայկական Ղարաբաղին և Զանգեզուրին: Ադրբեջանի խորհրդայնացումից ընդամենը երկու օր անց՝ ապրիլի 30-ին, Ադրբեջանի ռազմահեղափոխական կոմիտեն Հայաստանի Հանրապետության կառավարությանը վերջնագիր հղեց, որով պահանջում էր Ղարաբաղը և Զանգեզուրը: Մայիսի 1-ին Հայաստանի կառավարությանը նույնանման սպառնալից վերջնագիր ուղարկեց նաև 11-րդ Կարմիր բանակի հրամանատարությունը, որով կրկին պահանջում էր Ադրբեջանին հանձնել Ղարաբաղն ու Զանգեզուրը: Մինչ Հայաստանի կառավարությունն այս ծանր ռազմաքաղաքական իրադրությունը փորձում էր լուծել խաղաղ բանակցությունների ճանապարհով, Կարմիր բանակը պատրաստվում էր մտնել Ղարաբաղ: Միաժամանակ Ղարաբաղի մուսուլմանական ուժերը միավորվում էին և իրենց հայտարարում Կարմիր բանակի մասեր (Սիմոնյան 2017, 496):

Մայիսի 15-ին Տոդ գյուղում Գ. Նժդեհը և Արցախում ՀՀ կառավարության ներկայացուցիչ Արսեն Միքայելյանը Դիզակի շրջանի գյուղերի պատվիրակների հետ քննարկում են ստեղծված կացությունը և որոշում. «... ադրբեջանական վերջնագիրը համարել ընդամենը նոր պատրվակ հայերին նոր դժբախտություններ պատճառելու, ... Արարատյան կառավարությունը ընդունել որպես հարազատի ու Զանգեզուրի հետ միասին մտնել Արարատյան Հանրապետության (Հայաստանի Հանրապետություն – Գ. Ղ.) կազմը» (Բալայան 2021, 41–42):

1920 թ. մայիսի կեսերին 11-րդ Կարմիր բանակը, իր կազմի մեջ ընդգրկելով նաև Ադրբեջանի Կարմիր բանակի զորամիավորումներ, մտտեցավ Լեռնային Ղարաբաղի սահմաններին: Տեղի հայ բուլշևիկներն ամեն կերպ աջակցում էին երկրամասի խորհրդայնացմանը (Սիմոնյան 2017, 498): Շուտով 11-րդ Կարմիր բանակի 32-րդ հրաձգային դիվիզիան մտավ Շուշի՝ հայտարարելով այն խորհրդային: Դրոյին առաջարկվեց հեռանալ Ղարաբաղից: Մայիսի 24-ին Դրոն իր զինակիցների հետ խորհրդակցություն հրավիրեց Ավետարանոց գյուղում (Չանախչի)՝ հայտնելով, որ Հայաստանի կառավարությունը համաձայնություն է տվել զորքերը հանելու Ղարաբաղից (Միքայելյան 1923, 126: Սիմոնյան 2017, 499: Գևորգյան 1991, 151): Այս որոշմանը կտրականապես դեմ արտահայտվեց Գ. Նժդեհը, ով հետագայում այն համարել է Արցախի համար ճակատագրական սխալ: Ներկաների վկայությամբ, հայոց պատմության երկու մեծանուն գործիչներ՝ Գ. Նժդեհը և Դրոն, անգամ ընդհարվել են, տարակարծիք լինելով այս հարցի շուրջ, սակայն շնորհիվ ընկերների միջամտության, վերջ է տրվել վեճին (Իշխանեան 1999, 681):

Մայիսի 25-ին, Շուշիում Դրոյի կողմից ստեղծված Ժամանակավոր կառավարչությունը դադարեցրեց իր գործունեությունը (Սիմոնյան 2017, 499): Մայիսի 26-ին Դրոն իշխանությունը հանձնում է բուլշևիկներին՝ բժիշկ Սաքո (Սարգիս) Համբարձումյանի գլխավորությամբ, և Դրոյի զորաջոկատը, Քիրսի վրայով, անցնում է դեպի Խժաբերդ և ապա Զանգեզուր (Միքայելյան 1923, 127):

Շուտով ամբողջ Ղարաբաղը դարձավ խորհրդային: «Հունիսի առաջին օրերին երևանյան գորամասը, որի հետ և իմ օժանդակ վաշտերը թողնում են Ղարաբաղը: Անցնելով Զանգեզուր՝ Դրոն մնում է Գորիսում, իսկ ես անցնում եմ Ղափան: Որոշված է պահպանել մեր այդ երկրամասը բոլշևիկյան վարակից ու ներխուժումից», — գրում է Գ. Նժդեհը (Նժդեհ 2002ա, 71):

Կարո՞ղ էր Նժդեհն իր գորաջոկատով միայնակ մնալ Արցախում՝ կանխարգելելով վերջինիս խորհրդայնացումը: Ադրբեջանի խորհրդայնացման ժամանակ ադրբեջանական բանակի մոտ 20 հազար ուժեր կենտրոնացված էին Ղարաբաղի հատվածում (Միմոնյան 2017, 468): 1920 թ. օգոստոսի դրությամբ Դրոն իր տրամադրության տակ ուներ 1300 զինվոր, Գ. Նժդեհը՝ 300, գնդապետ Պողոս Տեր-Դավթյանը՝ 120 (Հայրենիք 2007, 4): Խորությամբ քննելով հարցը՝ կարող ենք եզրակացնել, որ Գ. Նժդեհի մոտ 300 հոգանոց զորախումբը ռազմագիտորեն անկարող էր Ղարաբաղում մաքառել Կարմիր-ադրբեջանական բազմահազարանոց բանակի դեմ, քանզի հակառակորդի զորաբանակի թվապես անհամեմատելի գերազանցությունից զատ, էական նշանակություն ուներ նաև ՀՀ կառավարության դիրքորոշումը, Զանգեզուրի անվտանգության հարցը և մի շարք այլ խնդիրներ: Հայաստանում տիրող քաղաքական բարդ իրադրությունը թույլ չէր տալիս երկրի կառավարությանն ամբողջ ներուժը կենտրոնացնել Արցախում:

Գ. Նժդեհի Ղարաբաղ տեղափոխվելուց հետո զգալիորեն թուլացել էր Զանգեզուրի անվտանգությունը, որը կարող էր թշնամու կողմից հարձակման ենթարկվել այլ ուղղություններից: Եվ վերջապես Շուշիի կոտորածը, խորհրդային կոմիսարների քարոզչությունները, քաղաքական գերլարված իրադրությունը հոգեբանական ծանր ազդեցություն էին գործել արցախահայության վրա: Գ. Նժդեհն այս շրջանի իրադարձությունների մասին հետագայում գրում է. «...Հաջող վախճան ունենում են միայն այն կռիվները, որոնք նախապատրաստվում են իմաստությամբ և առաջ տարվում անվարան վճռականությամբ: Իր հերթին Ղարաբաղում ժամանակից առաջ հապճեպով ու խակ վիճակի մեջ պայթեցրած ապստամբությունը, ինչպես և սպասում էի, ունեցել էր մեզ համար աղետալի վախճան: Սև հողերի վերածված Շուշին և մի քանի հազար հայերի դիակները ավելի քան ճնշիչ էին իրենց ազդեցությամբ: Ղարաբաղի ռազմական ձախողանքի պատճառներից մեկն էլ՝ ըստ իս ամենաէականը պիտի համարել ապստամբական գաղափարականության չգոյությունը: Ղարաբաղը հաղթական ցանկությունից զատ, հաղթելու բոլոր տվյալներն ուներ: Հասարակականապես ուժեղ, տեղադրորեն ամուր, գրեթե անառիկ, մեր ժողովրդի այդ հատվածին հաղթելու համար պակասում էր հոգեբանական նախապատրաստությունը միայն: Իսկ այդ բանում, իհարկե, միայն ժողովրդին չէր կարելի մեղադրել» (Նժդեհ 2002ա, 70–71):

Գ. Նժդեհը, սակայն, անկարող էր հաշտվել Արցախի կորստին: Հաջորդիվ նա Ղարաբաղի հետ կապ է հաստատում 1920 թ. նոյեմբերին. «Լեռնային Ղարաբաղի հետ կապված էի դեռ 1920 թ. նոյեմբերի կեսերին, Գորիսը գրավելուց մի քանի օր հետո: Այդ օրերին, որոշ հրահանգներ ստանալու նպատակով, Սյունիք է

անցնում Դիզակի խմբապետ Թևանը<sup>6</sup>: Սրա վերադարձից հետո, Տաթև են հասնում Դիզակի երկու ներկայացուցիչները՝ ղեկավար, ռազմամթերք ու մի զորամաս խնդրելու առաքելությամբ» (Նժդեհ 1999, 95–96): Սպարապետը բավարարում է Դիզակի ներկայացուցիչների խնդրանքը և ապստամբների առջև խնդիր դնում ազատագրել ու Զանգեզուրին միավորել ամբողջ Ղարաբաղը (Բալայան 2021, 45):

1921թ. հունվարի առաջին օրերին Բաքվից 11-րդ բանակի և Դրոյի կողմից Սյունիք է հասնում Գրիգոր Վարդանյանի գլխավորած խորհրդային մի պատվիրակությունը հետևյալ առաջարկություններով. Սյունիքը հայտարարել խորհրդային, դադարեցնել ապստամբական կոիվները Ղարաբաղում և այլն: Գ. Նժդեհն առաջ է քաշում հետևյալ պայմանները՝ առանձնակի կարևորելով Արցախի հարցը. «Հայ մտավորականությունն արձակվում է բանտերից, Սյունիքը և Ղարաբաղը կցվում են Հայաստանին, թուրքերը քաշվում են գոնե Շարուրից և Ալեքսանդրապոլից, որից հետո ես անցնում եմ արտասահման՝ բանալով խորհրդային իշխանության առաջ մեր լեռնաշխարհի դռները» (Նժդեհ 2002թ, 118):

1921թ. հունվարի 7-ին Գ. Նժդեհը Ղարաբաղից ստանում է հետևյալ տողերը. «Խնդրում ենք ձեզնից խնայել Ղարաբաղի հայ ժողովրդին, որը սպասում է ձեզ գիշեր-ցերեկ... Հունվար 3, 1921թ.» (Նժդեհ 1999, 96): Հունվարի կեսերին Նժդեհի հրամանով Ղարաբաղ անցած պյունեցիների առաջին զորամասի աջակցությամբ տեղի ապստամբները օրերի ընթացքում մաքրում են բուլշևիկներից ամբողջ Դիզակը: Մի քանի օր անց, կարմիրները, պարտված, տեղի են տալիս նաև Վարանդայի շրջանում և քաշվելով դեպի հարավ՝ անրանում են Հաղրոթում: Մարտի 8-ին խորհրդային զորքերը կորցնում են Ղարաբաղում ունեցած իրենց վերջին հենակետը: «Մերոնց ճակատային մի խիզախ գրոհից հանկարծակիի եկած՝ թշնամին խուճապով փախչում է դեպի Ջիբրայիլ, թողնելով հարյուրավոր սպանված, 150 գերի, գնդացիներ, հացի պաշար, և այլն: Այսպիսով, Լեռնային Ղարաբաղը թոթափում է սովետական լուծը և միանում Սյունիքին» (Նժդեհ 1999, 96):

Ղարաբաղի այս հաջողություններին, սակայն, հաջորդում է Վրաստանի խորհրդայնացումը, որը միանգամայն հուսահատեցնում է ղարաբաղցիներին: Վրաստանում և Երևանում իր նոր հաջողություններից հետո, հակառակորդն ուժերն ուղղեց Սյունիքի և Արցախի դեմ՝ փորձելով նախ ոչնչացնել Դիզակի հայկական զորամասը: Ղարաբաղի էքսպեդիցիոն զորամասի պետ Տեր-Պետրոսյանը 1921թ. ապրիլի 8-ին Գ. Նժդեհին գրում էր. «Ես նույնիսկ կասկածում եմ, որ մենք կարողանանք այստեղից ապահով դուրս գալ», իսկ ապրիլի 12-ի գրությամբ տեղեկացնում. «Կամուրջը քանդված է, հաղորդակցությունը կտրված, կոիվները սկսված» (Նժդեհ 1999, 96–97):

Ապրիլի 15-ին հակառակորդը փորձեր կատարեց սեպան թաղվելու Ղարաբաղի և Սյունիքի միջև. «...Նա ոտքի հանեց Դիզակի և Զաբուրի միջև ապրող թրքությունը: Վերջինը ապրիլի 7-ից սկսած թշնամական գործողություններ սկսեց

6 Թևան Աղաջանի Ստեփանյան (1892–1941)-հայ ազգային ազատագրական շարժման անձավեր գործիչ: Ծնվել է Հաղրոթի շրջանի Տումի գյուղում, 1920–1921 թթ. Ղարաբաղում գլխավորել է բուլշևիկների դեմ ապստամբությունը: 1941թ. խորհրդային իշխանությունների կողմից դատապարտվել է գնդակահարության:

մեր դեմ: Նա պարբերաբար խորտակում էր Զաբուդի կամուրջը, հարձակվում մեր քարավանների վրա, կտրում էր գիծը: ... Վաղուց է ինչ անհանդուրժելիորեն ծանրացել էր դրությունը, բայց և այնպես պետք էր դիմանալ Ղարաբաղում, մինչև որ կպարզվեր Երևանի դրությունը», — գրում է Նժդեհը (Նժդեհ 1999, 97):

Ղարաբաղից տեղեկացնելով հայկական վաշտերի ծանր դրության մասին՝ Նժդեհից խնդրում են շուտափույթ օգնություն: Գ. Նժդեհը շտապով վերադառնում է Տաթև՝ կազմակերպելու Ղարաբաղում պաշարված զորամասին օգնության հասնելու գործը: Ապրիլի 18-ի գիշերը բուն Զանգեզուրի ուժերը հրամանատար Գարեգին Ամիրջանյանի ղեկավարությամբ անցնում են Զաբուդը, գրավում Չինարլու, Մագութու, Բալդրդան, Թուրաբի թուրքական գյուղերը, ճեղքում Կարմիր բանակի պաշարման գիծը՝ հնարավորություն ստեղծելով հայկական վաշտերի համար՝ անկորուստ անցնել Սյունիք (Նժդեհ 1999, 100):

1921թ. մայիսի 12-ին Սյունիք է հասնում բուլղարական մի նոր պատվիրակություն Արտաշես Կարինյանի գլխավորությամբ, որի մեջ էին նաև հայտնի հայ մտավորականներ Ադոն և Դավիթ Անանունը, իսկ 11-րդ Կարմիր բանակի հրամանատարության կողմից՝ ռազմական կոմիսար Ս. Մելնիկովը: Բանակցությունները տեղի են ունենում Միսիանի Կալաջուղ գյուղում (Խուդավերդյան 1988, 165): Խորհրդային ներկայացուցիչները պահանջում էին հպատակություն, վերականգնել դաշտաբնակ աղբրեջանցիների քոչի դրությունը դեպի Ղարաբաղ-Զանգեզուրի լեռնային արոտավայրերը և այլն, զանգեզուրցիք լսել անգամ չէին ուզում այդ մասին (Վրացյան 1993, 599): Գ. Նժդեհն այս անգամ Սյունիքի և Արցախի հետ միասին պահանջում է կցել Հայաստանին՝ նաև Նախիջևանը՝ «թաթարական երկրորդ «գրպանային Հանրապետությունը», որը օգտվելով իր անկախությունից, պիտի փակեր Հայաստանի դուռը դեպի Պարսկաստան և պիտի շարունակեր գուրգուրել Սյունիքի վրայով Աղբրեջանին միանալու համիպամական երազը» (Նժդեհ 1999, 131):

Պատասխան չստանալով՝ Կարինյանի պատվիրակությանը ներկայացրած պահանջները հարգել տալու համար Գ. Նժդեհի հրամանով Զանգեզուրի ուժերը՝ փոխապարապետ Կուռոյի ղեկավարությամբ հունիսի կեսերին ռազմական գործողություններ են սկսում Վայոց Ձորում, որն ավարտվում է փայլուն հաղթանակով: Օրդուբադի կողմից, նպատակ ունենալով գրավել Կարճևան-Մեղրի Շիվանի Ձոր գիծը՝ Արաքսի հայկական ավիը, և Սյունիքը կտրել Պարսկաստանից, թշնամին մեծ ուժերով ռազմագործողություններ է սկսում Գենվազի դեմ: Այդ ճակատի վրա ևս Գ. Նժդեհի ուժերը արիաբար դիմադրում են և հետ շարտում թշնամուն: Թշնամին ուժեր է կենտրոնացնում Զաբուդի ուղղությամբ՝ բուն Զանգեզուրի և Գորիսի դեմ գործողություններ սկսելու մտադրությամբ:

Հունիսի 18-ին կարմիրների ուժերը ցրելու նպատակով՝ Գ. Նժդեհը մի փոքր զորամասով անցնում է խորհրդայնացած թուրքական շրջանով դեպի Գորիս: Բարգուշատի թրքությունը, որը մեկ տարի գտնվում էր բուլղարական իշխանության տակ, Գ. Նժդեհին դիմավորում է աղ ու հացով և հպատակություն հայտնում, իսկ շրջանի միլիցիական մասերը խուճապով փախչում են դեպի Խախլըղ (Նժդեհ 1999, 145): Գ. Նժդեհի զորաբանակները հաղթանակ են տանում բոլոր ռազմաճակատ-

ներում: Որպես հետևանք վերոնշյալ ռազմագործողությունների, հունիսի վերջին, Մյունիք են հասնում երկու վավերագրեր. «ՀՄԽՀ Ժողովրդական Կոմիսարների Խորհրդի հայտարարությունը Ջանգեզուրի իշխանությանը», և մի դեկրետ, որով Լեոնային Ղարաբաղը կցվում էր Խորհրդային Հայաստանին.

«Աղբրեջանի Սոցիալիստական Խորհրդային Հանրապետության Հեղկոմի դեկլարացիայի և Հայաստանի ու Աղբրեջանի Սոցիալիստական Խորհրդային Հանրապետությունների կառավարությունների մեջ եղած համաձայնության հիման վրա, հայտարարվում է, որ Լեոնային Ղարաբաղն այժմեանից կազմում է Հայաստանի Սոցիալիստական Խորհրդային Հանրապետության անբաժան մասը»:

ՀՄԽՀ Ժողովուների Խորհրդի նախագահ՝ Ա. Միասնիկյան,  
քարտուղար՝ Մ. Ղարաբեկյան:  
1921, հունիսի 12, Երևան

(Նժդեհ 1999, 149: Ղազախեցյան 2001, 46–47):

1921թ. Հուլիսի 2-ին Նժդեհին մի գրությամբ դիմում է Ատրպատականի հայոց առաջնորդ արքեպիսկոպոս Ներսես Մելիք-Թանգյանը՝ խնդրելով զինադադար նշանակել և վերսկսել ընդհատված բանակցությունները: Գ. Նժդեհը հուլիսի 7-ին գրություն է ուղարկում Սովետական Հայաստանի Հեղկոմին, որտեղ մի շարք պայմաններ է ներկայացնում՝ հատուկ անդրադառնալով Լեոնային Ղարաբաղի կարգավիճակին.

«...Լեոնահայաստանը պարփակում է իր մեջ ամբողջ Ջանգեզուրի գավառը, Լեոնային Ղարաբաղը, Վայոց Ձորն ու Գողթանը: Լեոնահայաստանը իբրև մի վարչական միավոր և Հայաստանի անբաժան ինքնավար մասը, ... ենթարկվում է Հայաստանի կենտրոնական կառավարությանը» (Նժդեհ 1999, 166):

Այնուհետև Գ. Նժդեհը թողնում է Մյունիքը և անցնում Պարսկաստան: Ուսումնասիրությունները ցույց են տալիս, որ նա Մյունիքից հեռանալու պահին հավատում էր Լեոնային Ղարաբաղը Հայաստանին միացնելու մասին դեկրետին: Գ. Նժդեհը հետագայում դեկրետի մասին գրում է. «Տարիներ են անցել: Խորհրդային իշխանությունը վատորեն դրժել է, Մյունիքի կցումից գատ, իր բոլոր հանդիսավոր հանձնառությունները: Նա թքել է այն կնիքի վրա, որով 1921թ. հունիս 12-ին վավերացրեց իր գույգ հայտարարությունները՝ Ղարաբաղի և Մյունիքի մասին: Հավատարիմ իր դիվային բնությանը՝ նա շատ շուտ հաստատեց, որ գիտի ստել, խաբել անգամ դեկրետներով» (Նժդեհ 2021, 134):

Գ. Նժդեհը 1937 թ. Սոֆիայում լույս տեսած իր «Իմ պատասխանը» մեծ արժեք ներկայացնող աշխատության մեջ անդրադառնում է Արցախին և նրա ռազմավարական նշանակությանը. «... Լեոնային Ղարաբաղին վերաբերող կարմիր գրությունը վաղուց է մոխրացել, հենց իր գրված ու կնքված օրը: Մեր այդ երկրամասը, որպես քաղաքական կաշտի և պրոպագանդի միջոց, վայրկյանի ռազմավիճակի թելադրանքով, փոխն ի փոխն, խոստացված և տրված է եղել թե՛ մեզ և թե՛ թաթարներին: Այդ իսկ պատճառով, մեր օրով նա ուներ, մի տեսակ, երկտեր վիճակ: Այսօր, սակայն, նա մնում է գատված Հայաստանի մայր տերիտորիայից: Մի անմարդկային, մի դաժան անարդարությամբ՝ խելագար Մոսկվան կտրեց իր մորից

Հայաստանի քաջաքաջ որդու կարոտավառ հայացքը, և դա շղթայեց Ադրբեջանին: «Դու ինքնավար ես», — ասացին դարաբաղցուն, բայց նրան զլացան Հայաստանին միանալու ազատությունը: Թաթարասիրական հաշիվներով՝ մեր այդ ամենաարժեքավոր երկրամասը դրվեց այնպիսի դրության մեջ, որ Հայաստանը կարիքի դեպքում չկարողանա ռազմագիտորեն օգտվել նրանից, և որ Ադրբեջանը՝ գրավելով Ղարաբաղը, միշտ էլ վտանգած լինի ոչ թե միայն Սյունիքը, այլև՝ ողջ Հայաստանը: Այո՛, Ղարաբաղի օրվա դրությունն ավելի նպաստավոր է թաթար Բաքվի, քան Երևանի համար: Այդպես ուզեց Մոսկվան և այդպես էլ եղավ: Ղարաբաղը թողնելով կղզիացած՝ առանց օրգանական կապի Հայաստանի հետ՝ Մոսկվան մեծապես կտկարացնի Հայաստանի ինքնապաշտպանվելու կարելիությունները: Իսկ մեր երկրի տերիտորիալ մարմից կտրելով Նախիջևան-Շարուրը և հանձնելով Ադրբեջանին՝ նա գիտակցորեն Հայաստանը դրել էր ռազմագիտորեն զինաթափ վիճակի մեջ, թրքո-թաթար կրակների միջև» (Տժդեհ 2021, 129–132):

Ամփոփելով՝ պետք է նշել, որ Գ. Նժդեհը կարևոր դերակատարում է ունեցել 1920–1921թթ. Արցախի գոյապայքարում: Նրա մղած ռազմական գործողությունները՝ հօգուտ հայերի, էապես փոխեցին Արցախի ժողովրդագրական նկարագիրը: Գ. Նժդեհը, մինչև տարածաշրջանից հեռանալը, մշտապես ջանացել է, Հայաստանին միացնելով, լուծել նաև Արցախի հարցը: Հեռանալու ժամանակ նա հավատում էր Ղարաբաղը Հայաստանին միացնելու մասին դեկրետին: Գ. Նժդեհի աշխատությունները կարևոր և արժանահավատ աղբյուր են Արցախի պատմության վերոնշյալ ժամանակաշրջանի ուսումնասիրման համար, իսկ նրա Արցախի մասին վերլուծությունները՝ կարևոր կովան Արցախի ռազմագիտական և գաղափարաբանական նշանակությունը հանրության շրջանում տարածելու գործում:

## ՕԳՏԱԳՈՐԾՎԱԾ ՍԿԶԲՆԱՂԲՅՈՒՐՆԵՐ ԵՎ ԳՐԱԿԱՆՈՒԹՅՈՒՆ

ԲԱԼԱՅԱՆ 2002–Բալայան Վ., Արցախի պատմությունը. հնադարից մինչև մեր օրերը, Երևան, 2002:

ԲԱԼԱՅԱՆ 2021–Բալայան Վ., Գարեգին Նժդեհը և Արցախահայ պետականության պահպանման հարցը, «Հայոց պատմության հարցեր», 2021, N 1 (22), էջ 34–51:

ԳԵՎՈՐԳՅԱՆ 1991–Գևորգյան Հ., Դրոն, Դրո: Կենսագրական: Հուշեր: Վկայություններ, Երևան, 1991:

ԳԵՎՈՐԳՅԱՆ 2014–Գևորգյան Հ., Դրո, Երևան, 2014:

ԳԷՈՐԳԵԱՆ 1991–Գեորգեան Վ., Լեռնահայաստանի հերոսամարտը, Երևան, 1991:

ԻՇԽԱՆԵԱՆ 1999–Իշխանյան Եղ., Լեռնային Ղարաբաղ (1917–1920), Երևան, 1999:

ԽՈՒԴԱՎԵՐԴՅԱՆ 1988–Խոտլավերդյան Բ., Զանգեզուր, Երևան, 1988:

ՀԱՄԲԱՐՁՈՒՄԵԱՆ 2003–Համբարձումեան Ռ., Գարեգին Նժդեհ, Երևան, 2003:

ՀԱՅՐԵՆԻՔ 2007–«Հայրենիք» ակումբ, Առաջաբան, Ազատ Սյունիք. Արնոտ գիրք, Երևան, 2007:

ՀԱՐՈՒԹՅՈՒՆՅԱՆ 1996–Հարությունյան Հ., Լեռնային Ղարաբաղը 1918–1921թթ., Երևան, 1996:

ՂԱԶԱԽԵՑՅԱՆ 2001–Ղազախեցյան Վլ., Նժդեհը Զանգեզուրում. 1920թ. վերջ–1921թ. հուլիս, Երևան, 2001:

ՄԻՔԱՅԷԼԵԱՆ 1923–Միքայելեան Ա., Ղարաբաղի վերջին դեպքերը (մաս Զ), «Հայրենիք» ամսագիր, 1923, թիվ 12, էջ 118–127:



ՆԺԴԵՇ 1999 – Գարեգին Նժդեհ, Ազատ Սյունիք, Պեյրուք, 1999:

ՆԺԴԵՇ 2002ա – Գարեգին Նժդեհ, էջեր Լեռնահայաստանի զոյամարտից: Գարեգին Նժդեհ. Երկեր, հ II, Երևան, 2002:

ՆԺԴԵՇ 2002բ – Գարեգին Նժդեհ, Ազատ Սյունիք, Գարեգին Նժդեհ. Երկեր, հ II, Երևան, 2002:

ՆԺԴԵՇ 2021 – Գարեգին Նժդեհ, Իմ պատասխանը, Երևան, 2021:

ՍԻՄՈՆՅԱՆ 2017 – Սիմոնյան Ա., Զանգեզուրի զոյամարտը 1917–1921թթ., Երևան, 2017:

ՎՐԱՅՅԱՆ 1993 – Վրացյան Ս., Հայաստանի Հանրապետություն, Երևան, 1993:

Gor Ghazaryan

*Yerevan State University*

gor.ghazaryan1998@gmail.com

### GAREGIN NZHDEH AND ARTSAKH FIGHT FOR SURVIVAL OF 1920–1921

**Keywords:** Artsakh, Syunik, Zangezur, Garegin Nzhdeh, Dro, fight for survival, Artsakh freedom fight.

Garegin Nzhdeh played an important role in 1920–1921 Artsakh's fight for survival. His military operations in favor of the Armenians significantly changed the demographic profile of Artsakh. Before leaving the region, G. Nzhdeh always tried to solve the issue of Artsakh by uniting Armenia. At the time of his departure, he believed in the decree to join Karabakh to Armenia. G. Nzhdeh's works are an important and reliable source for the study of the above-mentioned period of Artsakh history. His analyses on Artsakh are important in spreading the military-scientific and ideological significance of Artsakh to the public.

Гор Казарян

*Ереванский государственный университет*

gor.ghazaryan1998@gmail.com

### ГАРЕГИН НЖДЕ И АРЦАХСКАЯ БОРЬБА ЗА ВЫЖИВАНИЕ В 1920–1921 ГГ.

**Ключевые слова:** Арцах, Сюник, Зангезур, Гарегин Нжде, Дро, борьба за выживание, борьба за свободу Арцаха.

Гарегин Нжде сыграл важную роль в борьбе Арцаха за выживание в 1920–1921 гг. Его военные действия существенно изменили демографический профиль Арцаха в пользу армян. Прежде чем покинуть регион, Г. Нжде всегда пытался решить вопрос Арцаха путем объединения с Арменией. На момент своего отъезда он верил в указ о присоединении Карабаха к Армении. Работы Г. Нжде являются важным и надежным источником для изучения вышеупомянутого периода истории Арцаха, а его анализы об Арцахе важны для распространения среди общественности военно-научного и идеологического значения Арцаха.